

۱ ۳ ۳. ۱ ۶

صاحب و مدیر مسئول : ع . اشرف ارباب

207-28 sub

بروباغانداجیسی واردر . هر دولت کندی سیاستی ترویج کنیدیسی بکندیرمک ایچون وار قوتی بازویه ویره رک اکا کوره چالشمقدهدر . مکاتب اجنیه بوسیاستک اک برنجی مروجلرندن اولدینی کبی غزتهلرکده بویوک بردخلی واردر . بیک بشیوز نسیخه دن زیاده صاتیش یامیان غزتهلرک عددی بر ایکی به منحصر اولیوب پک چوقدر . مطبوعات ایکی قسمه ، بلکه ، اوچ قسمه تفریق ایتک ایجاب ایدر . بر قسمی مطبوعات مسیحیه درکه باشلیجهلری (الاحوال) - صباح واقشام ایکی کره انتشار ایدر - (لسان الحال) ، (البشیر) ، (النصیر) غزتهلریدر . بونلر کندی حال و مرقلرینی تعین و تشخیص ایدرک غایت معتدلانه و بی طرفانه بر صورتده نشریاته دوام ایدیورلر . عینی زمانده حکومت عثمانیه نیک منافعی ده پیش نظر تأمله آلهرق آکا کوره یازی یازوب هیچ بر فرقه بی دیکرینه ترجیح ایتدکلی کبی ، عین زمانده هیچ بریسنده تمایل کوسترمامکده درلر . یالکیز کندی منافع ملیله لرینی معتدل بر صورتده تعقیب ایتکله اکتفا ایدیورلر .

مطبوعات محلیه ایچنده صاحبی اسلام اولنلردن بری یومی (الرأی العام) دیکریده اسبوعی (البلاغ) جریده دینه سیدر . بویکی جریده حقیقه مسلك صاحبی و صرف عثمانی منافعی تعقیب ایتکده درلر . کچنلرده اصغر قومانییه سی علمینده بیروت و شام غزتهلری اوزون اوزادی به بندلرو مقاله لر درج ایلدکارندن ، اصغر بالذات بوغزته جیلردن برقاجنی اطماع ایتک صورتیه کندی لهنه چویرمکه موفق اولمش ایسه ده ، مذکور غزته جیلردن الرأی العام صاحبی (طه مدور) افندی ایچلرندن چکیلوب پاره اخذینی منافع وطنیه و دینه سینه مایر کوردیکندن برباش مقاله ایله هم کنیدیسنه وقوع بولان تکلیفی ، همد آرقداشلرینک فویه لرینی میدانه قویقله معاهده لرینی بوزمشدر . بوکنج ، عثمانی دارالمعلمین مکتبینه اکیال تحصیل ایتکله برابر عین زمانده فرانسیزجه به ده آشنا و عربجه لسانیه تحریره صوک درجه مقتدردر . مسلکی ایسه دائماً حکومت عثمانیه بی طرفانه ، صادقانه خدمت ایتکدن عبارتدر . نته کیم حسن خدمته مکافاة برقاج کون اول کنیدیسنه برده نشان ویرلشدیر .

(البلاغ) جریده دینه سی هفته ده بر دفعه جمعه کونلری منتظماً انتشار ایدر و تمامیه اوروپا دولتلرینک انتزیه لرندن واقوام اسلامیه ایله شئون اسلامیه دن باحث سیاسی ، اجتماعی ، ادبی ، فلسفی و دینی بر غزته در . بر ایکی آی اول غزته سنه درج ایتدیکی بر قصیده دن طولانی استانبوله اعزام ایدلش ایسه ده دیوان حرب عرفیجه برانته قرار ویریلرک تکرار بیروته عودت ایلشدر . زیارتنه کیتدیکم زمان اداره خانه سنده بوله مدم . مع مافیه اعاده زیارت ایتک اطفنده بولمشدر .

مطبوعاتک اقسام سائر سی ایسه (المفید) و (الاتحاد العثماني) غزتهلریدر که برنجیسی مسلك و مشوار صاحبی اولقله برابر عربلنی وهرشیک لسان عربی ایله تعاطی اولمنسی و مأمورینک لسان عربی به آشنا اولملری لزومنی تعقیب ایدیور . صاحبی ده تربیه لسان آشنا

[(۳۰) شیخ اسماعیل حق افندی حضرتلرینک ده بو اسمده بر اثرلری واردر .

(۳۱) ده وفات ایدن قاضی استانبول بستان زاده یحیی افندیکنده یکریمی سکز باب اوزره بواسمده و بو وادیده برکتانی موجوددر .

(۳۲) بروسه ده لامی چلبی ایله مشایخ عشاقیه دن بروسه ده اوچ قوزولرده مدفون بروسه وی مخلصی محمد محی الدین افندیکنده بواسمده بر اثرلری واردر که بونلردن برنجیسی مطبوع ایکنجیسی غیر مطبوعدر .

(۳۳) مولانا ادريس بتلیسی نیک بواسمده فارسی العبارة تاریخ عثمانیسی ، موسی بکک (تذکره الشعرا سی) شهری زاده احمد افندیکن قسطنطنیه تاریخی واردر .

(۳۴) مطبوع اولان بر شرح اولمایوب شعرادن «۸۹۳» ده وفات ایدن (امرینک) در .

غزلیات عارفانه لرندن

واصل اولماز کیمسه حقه جمله دن دور اولمادن
کنز آچیلماز شول کولکدن تا که پرنور اولمادن
موتوا قبل ان تموتوا سرینه مظهر اولان
کوردی آنلر حشر و نشری نفخه صور اولمادن
سن میسر ایله یارب بزلره بیتک طواف
علمک ایله عامل ایله وعده تکمیل اولمادن
حق جلالک کعبه سنی قیلدی عاشقار طواف
یرده کعبه کوک یوزنده بیت معمور اولمادن
مست هم مستانه کلدیم تا ازلدن تا ابد
ایچمشم عشقک شرابن آب انکور اولمادن
مست اولانلرک کلامی کندودن کلز ولی
بس انا الحق نیجه سویلر کیشی منصور اولمادن
بردواسز درده دوشدی بودل شمس مدام
حقه مقبول اولمق ایستر خلقه ، نفور اولمادن
بروسه لی

محمد طاهر بن رفعت

مکاتیب

هندستانه خابر مختصر صمزدنه :

هند یواننده

۳

بیردت صربانه بیروت ولایتی اقوام و عناصر مسیحیه نیک نمایشگاهی سیاسی (و اوروپا دولتلرینک ده هدف آمالنی تشکیل ایدن بریردر . بو ولایتده بوتون اوروپا دولتلرینک مروج افکاری ،

کرك بيروت اسلامي و كرك لاتينلرك بر قسمي تماميله دولت عليه به صادق و خير خواه بولتيورلر . لاتينلرك ديكر بر قسمي ده فرانسه حكومتك نفوذني تسهيل و ترجيح ايدييورلر .

اورتودو قسار ايسه كلياً روس طرفداري بولمغله معروف و مشهور درلر . روسيه حكومتي طرفدن اورتودو قسارلر بك چوق ايلكلر ياييلمش و اون بش خانه يي محتوي اولان كويلر نده بيله برباب مكتب آچق صورتيله هم چو جقاريني تعليم ، همده كندى نفوذني ايلري كوتورمكده در .

آري بر مقاله ايله كوندره جكم ايستاتستيقه دقت بيوريلرسه روسلر طرفدن تأسيس اولنان مكاتبك سكسان يدي عدد اولديغني مطالعه ايدن قارئلر من شهبه سز تعجب ايدم جكلدر . حتى بوقدرله ده اكتفا ايدميه رك ، بوتون طلبه لرك باشنده روس شابقه سي بولتيور . بومكتبه دوام ايدن معلمينك قسم اعظمي عثمانلي و يرلي اولوب ، اسلام چو جقارينك ده چوغي حكومت مكاتبليرك فقدا يي يوزندن بومكتبه دوام ايتمكده درلر .

بيروتده هر دولتن زياده فرانسه دولتك نفوذني واردر . (ماروني) طائفه سي - كه جبل لبنانك قسم اعظمي تشكيل ايدييور - تماميله فرانسه نك نفوذني آلتنده بولمغله و كنجلري ايسه فرانسز بولتيقه سني ترويج ايتمكده درلر . مارونيلر ايچنده حسيات عثمانيه ايله متحسس برفرد بيله بولنر .

بوطائفه نك جبلده بر بطريقاري واردر . بطريقك مأمورتي رسماً حكومت عثمانيه جه غير مصدق اولوب كنديسنك هيچ بر فرماني بوقدر . يالكز فرانسزلر بوذاته چوق اهميت ويرييورلر . فرانسه نفوذينه اك چوق خدمت ايدن بوذاتدر . فرانسه قونسولوسي همان هر ايشده بو بطريقك رأينه مراجعت ايدييور .

عيني زمانده فرانسه نفوذني ترويج ايدن غزنه لرده بيروتده انتشار ايله بوفكره خدمت ايتمكده درلر .

موثوقاً استخبار ايتديكمه نظراً الى ولايت حازم بك افندي ، باب عالي به كوندرديكي برتقيرده بيروت ولايتك (الساس لوزن) دن بك آز فرقي بولنديغني و دولت عليه طرفدن كمال سرعتله تدابير قطعيه و مؤثره اجرا ايدلمديكي تقديرده فرانسز بولتيقه سنك كوندن گونه سرعت و فعاليتله انتشار ايدم جكني بچنلرده يارمش اولديغني حالده بوكا قارشو باب عالي دن هيچ بر جدي جواب آله مامشدر .

انكلتره و امريكا نفوسي ايسه فرانسزلرلكي قدر دكل ايسه ده هر حالده خاطري صاييلير . يالكز حال حاضرده كي انكليز قونسولوسي اولجه از ميرده بولنش و ترجه يي ده او كرنش برذاتدر .

كنديسي تماميله عثمانلي محي برذاتدر . والي حازم بك افندي به بر چوق ايشلرده - اجنييله قارشي - ياردم و معاونتي طوقومنددر .

حكومت محليه نك كسب قوت ايتمسه ده طرفداردر . بيروت

ايكي كنجددر . حریت و اشتلاف فرقه سنك مروج افكاريدر . حالبوكه بيروتده حریت و اشتلاف فرقه سنك رسمي بر قلوب و مركزي و تشكياتي بوقدر . انجق اولجه اتحاد و ترقى جمعيتنه انتساب ايدن بر قاج ذات واردر كه بونلر هر نه دنسه جمعيت اتحاديه دن آريلان كي مسهلدر . المفيد غزنه سنك تعقيب ايتديكي مسلك هر نه قدر حد ذاتنده مشروع و معقول ايسه ده بك مفرطانه و ناهنكامدر . چونكه اتفاق و اتحاد اك محتاج اولديغمز بر صيره ده عربلق حسياتي تعقيب ايتمك و آريلق غيرلك مسلكني نشره خدمت ايتك ظن عاجزانه بجه دولت و ملتك منافي مقتضاسندن اوله ماز .

(الاتحاد و العثماني) غزنه سي اسمندن اكلاشيله جنی اوزره اولجه صرف اتحاد بوندن اولديغني حالده بر قاج آي اول اتحاد جيلرك طاوولني چالغني تركله بيطرفلغني اعلان و اخير اصرف اشتلافجي اولديغني اعلان ايشلدر ايكي كون اول بيروت ديوان حرب عرفيسي طرفدن غزنه سي بلامدت تعطيل ايدلمسي اوزرينه ، يكي دن (الاشتلاف العثماني) ناميله ديكر بر امتياز آلمغه باشلامشدر . رنكدن رنكه ، شكلدن شكله كيرن بو آدمدن هر ايكي فرقه نك ده بر خير كورميه جكنه سند ويررم .

حال حاضرده اتحاد و ترقى جمعيتدن بشقه بيروتده رسمي بر جمعيت بوقدر . جمعيت مذ كوره نك هم قلوب ، همده تشكياتي اولوب عين زمانده (البرهان) و (ابايل) غزنه لري ده آنلره منسوب اولديغني روايت اولمغله در .

بوهفته ظرفنده برده (جمعية الاخاء الاسلامي) ناميله ديكر بر جمعيتك تشكيله بيروت اشرافندن (شيخ محمود افندي فرشوح) همت ايشلدر . مشاراليه طرفندن وقوع بولان دعوت اوزرينه كيجه وقي خانه سنه كيتدم . اوراده مأمورين و اشرافدن متعدد ذوات ايله طوبروق موقعي قوماندان ساقى خليل ادهم پاشا و نرذنده مسافر بولنديغني داعوق افندي ده حاضر بولتيورلردى . تبركا و تيمنا ايكي كنچ طرفندن فرقان مجيد تلاوت اولندقدن صكره شاعر واديب فؤاد افندي طرفندن غايب فصيح و بليغ بر نطق قرائت اولنديغني كي كوچوك بر چوچق طرفندن ده عربى العبارة بر منظومه قرائت اولندى . خانه صاحي و جمعيتك مؤسس ذوات ده جمعيتك صورت تشكيله مسلكندن باحث بر نطق و نشييده او قودى . بنده كزكده بر شي سويلكلكمي رجا ايللري اوزرينه عاجزانه يرايكي سوز سويلدم . جمعيت مذ كوره نك پروغراميله بياننامه سني لفاً تقديم ايلدم .

بيروتده عناصر مختلفه بولنديغني بالاده سويلشيدم . شمدي بو عناصر اوزرينه اجراي تأثير و نفوذ ايدن دولتلردن بحث ايدم جكم .

بيروت مسلمانلري عثمانلي اولدقاري حالده مع التأسف ارالرنده كركي كي اتفاق و آهنگ موجود دكلدر . عيني زمانده كندى منافع مليه و قوميه لرني لايقيه دوشونه مامكده درلر . فقط شايان تبريك برشي وارسه بيروت مسلمانلرينك بك حيتلي و غيرتلي و مكرم ، مسافر پرور و تشبث شخصي طرفداري اولدقاري كيفيتيدر .

بومباردمانی انساننده فرط غیرت و حمیتی سبقت ایدن بر یرلی عسکره کندی دولتی نامه انکلیر قونسلوسی بر کوموش توتون طبقه سنی کندی الیه اهدا ایتشدر .

§

بیردت احوال } بیروت شهری هر شیدن اول پک تمیز ، براق بر بلدی و صمیمی } صویه ، الکتریقی تراموایه ، هوا غازی و صو شرکتلرینه مالیکیتله اهلینک اسباب استراحتلری تأمین ایدلمشدر . قصبه اورته سنده و حکومت قوناغنگ قارشیسند کیش-جه جک بر میدانده بر بلدی باغچه سی وارد . باغچه نک ایچنده بر یمک لوقطه سیله بر قاج قهوه خانه وارد .

بیروت هتللری ده کوزل و تمیزدر . یالکز سوقاقلرک قسم اعظمی هنوز طار و طاش و چنتو ایله تفریش ایدلماش بر حاله در .

بویوزدن توز ، طوبراق هیچ اکسیک دکلدرد . بیروت بلدی به سنک وارداتی قرق بیگ لیرا قدردر . فقط بلدی وارداتی علم و فن دائره سنده صرف ایدلمدیکی جهته مملکت نافع خدمت لایفاسنه موفقت الیر مامشدر . مثلاً بیروت حکومت قوناغنگ جوارنده اقامت ایدن فاحشه لرک جوغی الیوم امراض خبیثه ساریه ایله معلول بولونملری یوزندن مملکت داخلنده فرنکی خسته لغی کوندن کونه توسیع دائره سرایت ایتشدر . بشریتک بویوزقاره لری هر زرده بولنورلرسه مطلق مملکتی تلویث ایدرلر .

بدایت امرده پک آرمصرفله اوکی آنیرکن ، اهل الجلیق سایه سنده اک صکره اولاد وطنی بوکی مدھش ، اولد بریحی علتلرد قورتارمق ایچون بر فرنکی خسته خانه سی - قسطنطنیه اولدینی کی - انشا و تأسیسه مجبوریت حاصل اوله جقدر !

بواشده الکیزاده وظیفه سنی ایفا ایدن صحیه مفتشیه صحیه قومیسونی اولدینی حالده مع التأسف مقرراتلرینک جوغی اجرا ایدلمدیکی جهته اعضالرک بر قاجی قومیسونه کلکدن امتاع ایلشدر .

هله قولر انک ، حلبدن شامه سرائی و شامک ده بیروته یقین بولنوب کونده بردفعه شامدن بیروته ترمنک کیدوب کله سی نظر دقت و اعتباره آنیرسه جداً حکومتک پک زیاده یورولسی لازمکلیر . حالبوکه بیروت ایچنده یوزلرجه آخورلرک حفظ صحتیه پک مخالف بر صورتده بولنمی و دائماً رواج کریمه نک انتشاریله قولر امیر و بلرینک بسلمسنه خدمت ایتدیکی فنا ثابت ایکن بونک رفعه بر چاره قطعیه دوشونیه مامشدر .

صحیه مفتشینک فعالیتی بوراده منتشر فرانسرجه (لوروی) غزته سی بر باش مقاله ایله ثنا ایتسنه باقیلیرسه اهلک بشقه مأمورلرده اولدینی اکلاشیلیور . خلاصه حکومت محلیه طرفندن مملکت ایچنده یاییلمسی ایجاب ایدن شیلرده قصور و اهل کوسترلمکده در . بوبابده کی

قصورک کیمده اولدینی بن بردرلو اکلایه مدینم کی ، مأمورلری مدح و ذم ایلک ده وظیفهم خارجنده در .

§

مسین المصرینک بوهفته ظرفنده اوچ کیشی اولدیرن حسین المصرینک اعدامی اعدامی حقنده صادر اولان اراده سنیه نک ولایتیه تبلیغی اوزرینه مقتولک ورنه لری قانلک اعدامی شدتله طلب ایلدکلرندن صباحلین (۱۸ تموز) ایرکندن قاتل حبس خانه دن قوه ضابطه ایله اتحاد میداننه کتیریلدرک ، کندیسنه اراده نک تبلیغدن صوکره اعدام ایدلمشدر . سائرینه عبرت اولق اوزره اولوسی بر ساعت قدر اصیلی بولندقدن صکره دفنه مساعدده اولمشدر .

مخابر مخصوص صکر

بیروت

س . م . ت

بلغارستانه مخابر مخصوص صکره:

—۳—

(صوفیه)

کچن مکتوبنده بلغارستان معلمین اسلامیه سندن ، بوسنه کی قونفره سندن ، بلغار معلمین قونفره سنه صورت اشتراکندن ، بوندن حاصل اوله جق فوائد عظیمه دن بحث ایتشدم .

بالاخره یکرمنچی عصر مدنیتک یکانه سلاحی اولان معارف مسئله مهمی حقنده دها زیاده معلومات آلق ، بوجهته بلغارستان مکتبلرینه دائر «سبیل الرشاد» قاره لرینه اساسی بر معلومات ویرمکی دوشوندیم .

بونک ایچون بعض برلره مراجعت ایتش ایتسه مدد حقیقی بر معلوماته دسترس اله مدیفندن مرحله صوفیه کیتیکلکم لازمکلی . ایشک اک زیاده فنا اولان جهتی شوکه : بزحدوددن کچلی اون کون اولدینی حالده حالا پساپورطی ویرمیلردی . حدوددن کچرکن پساپورطی هب آلدیلر ، فقط فلبیه کلزدن مقدم دیکر لرک کنی ویردیلر ، بزم پساپورطه کلنجه کیسی فلبیه ایستاسیوننده ویریله جکمی کیی ده . قونسلسخانه دن آله جفی سوبلدیلر . ایتسه فلبیه کللی بوقدر کون اولیور ، حالا بزم پساپورط یوق . بودفده صوفیه کیده جکم تحققی ایدنجه آرتق نه چارنیکه (قائم مقام) مراجعت ایدرک دها زیاده فلبیه اقامت ایدمه جکمی آکلندیم . بزم قارشی - ایضا ایتیه جکی - بروعدده بولدی : بوکون مکتوب یازه جفی ، فقط بزم پساپورط سزده کیده بیله جکمی سوبلدی ، و « شاید سؤال ایدرلرسه بورایه حواله ایدرسک » جمله سنی ده علاوه ایلدی . بنده بونک اوزرینه نه اولورسه اولسون ، « توکات علی الله » دیوب الافراغه ساعت بشده فایطونه راکبا صوفیه ترهنه یتشدم .

ساعت بشده ترن حرکت ایدیوردی . فقط نه غریب حال ! انسان ایچون دردینی ، حانی اکلایه جق کیمسلر ایچنده بولنقدن دها کوچ برشی یوقش ، بلغارلر بکا سوبلرلر ، بنده اولرله جواب ویریبورم ، اما بیلسه کز ، نه سؤال ! نه جواب !

مراتله الله ایکی کیشی کوندردی ، بولر کوزل تورکجه بیلیرلردی . باشلادیلر اوردن بوردن سوز آچیه ، نهایت سوز عثمانی قایینه سنه کلدی . حقیقه بلغارلر حقمنده پک بدیندرلر .

برقاج استاسیون کچدکدن صکره بلغارسانک کبریت فابریقه سنه کلکد بوفابریقه کی کورنجه برکندیغری ، برده بلغارستانی دوشوندیم ومان بلا اختیار برکره آه ! چکدم .